

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Vita Christi - Cod. Donaueschingen 436**

**Michael <de Massa>**

**Oberrheinischer Sprachraum (im Übergangsbereich zum Schwäbischen?), [Mitte des 15. Jahrhundert]**

Jesus offenbart sich den drei Marien

[urn:nbn:de:bsz:31-93623](https://nbn-resolving.org/urn:nbn:de:bsz:31-93623)

marien do si' sossen in liden vnd seite yn was ir wi-  
derfaren was. Ach do wurden si' als rechte fere er-  
frowet das er was vff erstanden vnd betrüpte sich  
do vff em nilues das si' wozen enweg gegangen  
vnd das si yn mit gesehen hetten do giengen si mit  
madalenen in die stat von dem garten .:.

**Hie offenbarte sich ihesus den drien marien**

**D**ie dzy marien wolten in die stat gon vff  
dem wege vor der stat offenborte sich ihs  
vnsere here Inen vnd sprach gegrisset sint ir. zu  
stünd fielen si nider vff die erden von grosser froude  
vnd griffen an sine fusse vnd hielten die vnd do  
rette er mit Inen liephich vnd hielt sinen osteritag  
mit Inen vnd do seite ihs zu yn Gont vnd sagent  
minen brüderu das si gond in galileam do werden  
als ich yn zu voruf gesagt han. Do gieng madale-  
na mit den andern marien vnd seite yn was ihs  
Inen hette gesagt. **H**ie mercke lieber mensche  
die demütikeit ihs vnserz herren die er mit gelos-  
sen hett bitz in sinen tod Ja ouch noch dem tode  
do er sine Jongern alle nennet brüder. Ja ouch noch  
siner vffart do er oben abher sprach zu paulo de-  
mütelichen. **S**aul saul was durch ächtere du mich/  
do ennante er sich mit got sonder er seite Ich bin  
ihs demütelich ouch würt er in dem lesten ge-  
richte demütikeit zeigen. **W**enn er wil sagen also

si' mich  
sehen

was ir hant geton einem von mynen mynsten  
 brüderz das hant ir mir geton Die tugent en  
 het er nit vmb sust allzit als lieb gehabt. Wenn  
 er wüste wol also hochmütikeit ist ein anbegin  
 aller sünde vnd alles vngefalles. Also ist demu  
 tikeit ein fundament aller selikeit wenn vmb  
 sust würt alle gebüwe gebüwet wo das funda  
 ment der demütikeit ~~mit gemacht~~ mit gemacht  
 würt. Dor vmb liebes mensche getruwe nit vff  
 dine jungfrolicheit noch vff din armüt noch in  
 keine tugende die du macht han Ist es das du nit  
 hest demütikeit werlich si helfen wenig

**Hic offenbarte sich ih̄s Joseph von aromathia vnd  
 fürte yn vß der gefengnisse wider heim .i.**

**U**nser here ihesus do er von den marien schiet  
 do gieng er zeshind zu Joseph von aromatia  
 der yn hette begraben den hetten die Juden gefan  
 gen des selben abents do er ihm zu dem grabe hette  
 brocht vnd beslossen vaste in ein behaltuisse vnd  
 wolten yn tün töten noch der hochzit. Do offenbor  
 te sich ihesus vnser here Ine vnd gieng zu Ine  
 vnd küßete yn lieblich an sinen mond vnd truck  
 nete Ine sine ougen vnd angesichte vnd fürte yn  
 yn mit Ine mit beslossener tür heim in sin eigen  
 hus **Hic mercke lieber leser wie ih̄s vnser here**  
 sine fründe nit wil lassen si mozent kömen an die